

**TEZAU LITURGIC**  
**30 NOIEMBRIE**

**ACATISTUL**  
**SF.APOSTOL**  
**ANDREI**  
**II**



**MOSCOVA, 2000**



# **АКАФИСТ СОБОРУ АПОСТОЛА АНДРЕЯ ПЕРВОЗВАННОГО**

## **КОНДАК 1**

Избрании от Господа заступницы  
усерднии о душах наших и попечители  
досточуднии, умиленно непрестанно вопием  
вам сице:

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

## **ИКОС 1**

Изначала по Пятидесятнице, Духом  
Святым просветися, апостоле Христов  
Андрее, первый бысть Столпе Вселенскаго  
Православия, направи стопы своя в  
страну Иверскую и весь Крымскую, и  
таможде на горе Ай-Петри славней  
призва мученицев Инну, Пинну и Римму,  
в лик ученик своих. Темже величающе  
ваш подвиг велий, выну взываем вам  
сице:

Радуйся, апостоле Христов Андрее,  
родоначальниче Веры Христовы в земли  
Руси Святой;

Радуйтесь, мученицы Инне, Пинне и  
Римме, апостольским глаголам  
последовавшии;

Радуйся, апостоле Христов Андрее, стопы  
своя на земли Крымстей следе оставивый;

Радуйтесь, мученицы Инне, Пинне и  
Римме, сами же Учение Сие  
спасительное проповедаше;

Радуйся, апостоле Христов Андрее, первых  
мученицев земли Российстей к проповеди  
Евангелия Правды приобщивше;

Радуйтесь, мученицы Инне, Пинне и  
Римме, за Веру Христову страдания  
непреложно стойце претерпели есте;

Радуйтесь, мученицы Инне, Пинне и  
Римме, мощами своими Алушту и всю весь  
Крымскую освятившии;

Радуйтесь, волею святителя Луки  
Крымскаго вы еси первии святии земли  
Русския.

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

## КОНДАК 2

Неизреченная бездна Милосердия Божия  
явился стране Византийстей, егда славный  
апостоле Андрее постави епископом места  
сего ученика своего, апостола Стахия  
всехвальнаго. Темже мы, приобщившись  
через сие Господеви, выну поем Ему:  
Аллилуиа.

## ИКОС 2

Велие радование о Господе унаследова  
Византия всечестная, имеюще себе  
наставником апостола Стахия, ученика  
Андреева. Мы же, видяще Благий  
Промысел Божий о Византии Православней  
сей, выну взываем вам сице:  
Радуйся, апостоле Христов Андрее, землю  
Византийскую Христу уневестивый;  
Радуйся, апостоле Стахие, кормчий  
Православия в Византии преславне;  
Радуйтесь, апостоли Андрее и Стахие,  
Православия Византийскаго начальницы и  
расколов низложителие;  
Радуйся, апостоле Стахие, колосе изрядне  
Нивы Христовы;  
Радуйтесь, апостоли Андрее и Стахие,  
Церкви Вселенския учителя державнии.

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

### **КОНДАК 3**

Светоимените был Диосполя Светоче  
велий, апостоле Амплие, егда апостоле  
Андрее постави ты пастырем Овец  
Христовых страны Иерусалимския. Темже  
мы, славяще Господне Око Пречестное,  
выну зовем Ему: Аллилуиа.

### **ИКОС 3**

Непреложное рачение имел еси, Амплие  
досточудне, о Церкви Иерусалимстей,  
выполняя завет Первозванного апостола,  
учителя своего. Темже мы, величающе  
Бога за Дивное Смотрение Его, выну  
вопием вам сице:

Радуйся, апостоле Амплие, в душе  
апостола Иакова, Брата Господня, служение  
свое совершавый;

Радуйтесь, апостоли Андрее и Амплие,  
Духа Святаго Сосуди избранныи;

Радуйся, апостоле Амплие, апостолов  
Андрея с Павлом сопрестольниче;

Радуйтесь, апостоли Андрее и Амплие,  
Солнца Христова лучи пресветлии;  
Радуйтесь, Истины Святой истиннии  
блюстители.

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

#### **КОНДАК 4**

Росодательная пещь Духа Божественного  
содела тя, апостоле Урване, блистанием  
Света Евангельскаго в веси Македонския,  
прияв Духа Свята чрез возложение руки  
учителя твоего, Первозванного апостола  
Андрея. Мы же, славяще мудрость твою  
с любовью и кротостию, выну зовем  
Богу: Аллилуиа.

#### **ИКОС 4**

Познанием Божества уязвився, апостоле  
Урване, стране Македонстей бысть забрало  
веле Духа Святаго. Мы же, славяще  
велии болезни и труды твоя, выну  
взываем ти сице:  
Радуйся, апостоле Урване, просветителю  
Македонии достоблаженне;

Радуйся, наставниче Веры Истинныя и  
Нетленныя;  
Радуйся, Первозванного Андрея, учителя  
твоего, последователю великоимените;  
Радуйся, кадило Веры Христовой нарочите.  
Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

### **КОНДАК 5**

Истинныя Богословския Мудрости был  
еси рачителю, апостоле Филологе, апостолом  
Андреем во епископы града Синопа  
поставлен бысть. Мы же, чающе от тебя  
глаголов Божиих, выну зовем Ему:  
Аллилуиа.

### **ИКОС 5**

Синопа града отец треблаженне,  
апостоле Филологе, не престай пещися о  
душах наших, чающих спасения в Господе  
нашем. Мы же, славяще подвиг твой,  
выну взываем ти сице:  
Радуйся, града Синопа пастырю дивный;  
Радуйся, апостола Павла друже изрядне;  
Радуйся, Неронова гнева не убояся;



Радуйся, по приказу сего за имя  
Христово, якоже факеле, сожжению  
предадешся;

Радуйся, Христос Бог наш житием твоим  
и мучением прославися.

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

### **КОНДАК 6**

Жено апостольская, невесто Христова,  
великодаровитая преподобная мати наша  
Поликсение, глас Первозванного Андрея  
в сердце своем сложившая. Темже мы,  
чающе от Господа утешение и помощь,  
выну зовем Ему: Аллилуа.

### **ИКОС 6**

Дивная молитвеннице о нас,  
преподобная мати Поликсение, молим тя,  
вкупе со апостолом Андреем буди  
печальнице наша пред Господом. Мы же,  
видяще твое дерзновение ко Господу,  
выну взываем ти сице:  
Радуйся, измлада Христа возлюбила еси;

Радуйся, крещением от апостола Петра от рабства неверным спаслася еси;  
Радуйся, вослед апостолу Андрею во вся дни жития его неустанне пребывала еси;  
Радуйся, заветы его, умирающего на кресте, в душе своей сложившая и миру оставила еси;  
Радуйся, Испании просветительнице и чудотворице.  
Радуйтесь, Первозванне апостоле Христов Андрее, мученицы Инне, Пинне и Римме, апостоли Стахие, Амплие, Урване и Филологе со преподобною Поликсениею, дивнии о нас ко Господу ходатаи.

### **КОНДАК 7**

Светильницев земли Крымския вас, мученицы Инне, Пинне и Римме, исповедуем и первыми святыми земли нашея почитаем. Темже славяще вас, чудных заступницев наших, выну вопием Богу: Аллилуиа.

### **ИКОС 7**

Чистоты Евангельския носителие, мученицы Инне, Пинне и Римме, воспеваем верность вашу Господу и заветам апостола Андрея. Сего ради ныне,

припадая к мощем вашим, выну взываем  
вам сице:  
Радуйтесь, Алушты и Крыма украшение;  
Радуйтесь, по апостолу Андрею наше пред  
Господем заступление;  
Радуйтесь, земли Русския ангели  
шестокрылатии;  
Радуйтесь, верности Слову Божию учителя  
наши нетленнии.  
Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

### **КОНДАК 8**

Апостоли Христовы Стахие, Амплие и  
Урване, вы бо еси апостола Андрея  
последователие, будете нам начальницы  
жизни нашея в Бозе, да выну взываем  
Ему: Алли

### **ИКОС 8**

Святии апостоли Стахие, Амплие и  
Урване, не престайте молитесь Господеви о  
чтущих любовью вас и воспевающих  
вам сице:

Радуйтесь, Первозванного Андрея ученицы;  
Радуйтесь, мощми своими миру мир  
даруете и от обдержания бесовскаго нас  
исцеляете;  
Радуйтесь, Истинности Веры Христовой  
свидетелие;  
Радуйтесь, мужи Божии;  
Радуйтесь, усечением главы во Христе  
житие свое скончавше.  
Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподоною Поликсениею,  
дивнии о нас ко Господу ходатаи.

### **КОНДАК 9**

Апостоле Христов Филологе, апостола  
Андрея друже и учениче, не остави нас  
предстательством твоим пред Господом  
Славы, выну зовя Ему: Аллилиуа.

### **ИКОС 9**

Святой апостоле Филологе, епископе  
града Синопскаго, друже Андреев, не  
остави нас, сирых и убогих, вопиющих  
ти сице:  
Радуйся, Синопа в Вере Христовой  
укрепление;

Радуйся, верным вспоможение;  
Радуйся, нечестие Неронова обличение;  
Радуйся, мучениче всесожжения;  
Радуйся, исповедничества во Христе  
благий примере;  
Радуйся, стойкости в испытаниях со  
страданием твердый образе.  
Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе со преподобною Поликсениею,  
дивнии о нас ко Господу ходатаи.

### **КОНДАК 10**

Преподобная мати наша Поликсение,  
буди наша теплая молитвеннице пред  
Господом Жизнодавцем, да выну  
непрестанне взываем Ему: Аллилиа.

### **ИКОС 10**

Агнице Христова, Испании  
просветительнице, жено апостольская,  
преподобная мати наша Поликсение, моли  
о нас Христа Бога, да выну взываем ти  
сице:  
Радуйся, апостолом Петром крещенная;  
Радуйся, апостолом Андреем Христу  
унаследованная;

Радуйся, послушание апостолу Андрею до  
конца соблюдшая;  
Радуйся, Испании и Толедо похвало;  
Радуйся, неугасимое Божие Чудо.  
Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване  
и Филологе со преподобною Поликсениею,  
дивнии о нас ко Господу ходатаи.

### **КОНДАК 11**

Веры Православныя Утверждение, теплии  
о нас ко Господу ходатаи, апостоле  
Андрее, мученицы Инне, Пинне и Римме,  
апостоли Стахие, Амплие, Урване и  
Филологе, преподобная мати наша  
Поликсение, не оставите нас молениями  
вашими, да выну взываем Богу:  
Аллилуиа.

### **ИКОС 11**

Стено неборимая Православия, росо  
Божьего саждения, не забудьте нас,  
любовью чтущих память святую вашу  
и вопия вам сице:  
Радуйся, Первозванне апостоле и Учителю  
Вселенныя;

Радуйтесь, мученицы Инне, Пинне и Римме, веси Крымския и земли Русския блюстители и адаманты;

Радуйтесь, апостоли Стахие, Амплие и Урване, Византии всея и мира, мощьми своими, стражи неусыпнии от раскола и разделения;

Радуйся, апостоле Филологе, Синопа славо и украшение;

Радуйся, преподобная Поликсение, земли Испанския в Вере Истинней Утверждение и Укрепление.

Радуйтесь, Первозванне апостоле Христов Андрее, мученицы Инне, Пинне и Римме, апостоли Стахие, Амплие, Урване и Филологе со преподобною Поликсениею, дивнии о нас ко Господу ходатаи.

## **КОНДАК 12**

Преображение бысть Православия Вселенскаго, бысть вы, апостоле Христов Андрее со святыми ученицы и сподвижницы своима, да не оставите нас заступлением вашим, да выну зовем Богу: Аллилуиа.

## ИКОС 12

Дивнии предстателие наши ко Господу,  
изряднии цевницы и струны Духа Святаго,  
не оставите нас, любовию вопиющих  
вам сице:

Радуйся, апостоле Андрее, верный учениче  
Христов;

Радуйтесь, мученицы Инне, Пинне и  
Римме, Крыма духовное светило;

Радуйтесь, апостоли Стахие, Амплие,  
Урване и Филологе, Вселенная зеркало;

Радуйся, преподобная Поликсение, земли  
Испанския забрало.

Радуйтесь, Первозванне апостоле Христов  
Андрее, мученицы Инне, Пинне и Римме,  
апостоли Стахие, Амплие, Урване  
и Филологе со преподобною Поликсениею,  
дивнии о нас ко Господу ходатаи.

## КОНДАК 13

О, святой апостоле Христов Андрее,  
со всеми своими ученицами и  
сподвижниками! Примите сие малое  
моление нас, грешных, и будете верными  
ходатаями спасения нашего в Бозе,  
да выну зовем Ему: Аллилуиа, Аллилуиа,  
Аллилуиа.

[Сей кондак читается трижды]